

Script of Morning Gojri News Bulletin 22 November 2024 at 1015Hrs

مارننگ گو جری نیوز بلیٹن مو رخہ 22 نومبر 2024

یوہ آکا شوانی جموں ہے محمد اکرم چودھری تیں خبر سُنو۔

CM Omar Abdullah

وزیر اعلیٰ عمر عبداللہ نے کل پونچھ ضلع مانہہ ترقیاتی کماں غو تفصیلی جائزو لیو ہے۔ یوہ اُن غو عہدو سنبھالن توں بعد ضلع غو پہلو دورو تھو۔ ضلع ترقیات کمشنر پونچھ نے کپیکس منصوباں غی پیش رفت اور بکھ بکھ محکماں گی کامیابی غا با رہ مانہہ تفصیلی جانکا ری دتی۔ وزیر اعلیٰ نے جاری منصوباں نانہہ ویلے سر مکمل کرن غی اہمیت ور زور پایو اور عوام واسطے زیا دہ توں زیا دہ فائدہ نانہہ یقینی بنان واسطے اعلیٰ معیار غو خیال رکھن غی وی ہدایت کیں۔ میٹنگ غے دوران حویلی توں ممبر قانون ساز اسمبلی اعجاز جان تے ممبر قانون ساز اسمبلی سرنکوٹ اکرم چودھری نے وی اہم مسائل چایا۔ جن مانہہ سڑک رابطہ، صحت دیکھ بھال، تعلیم، اور بجلی با رے بنیا دی ڈھانچو شامل تھو۔ اس دوران بکھ بکھ وفود نے وی وزیر اعلیٰ نال ملاقات کی۔ یہ وفود بیوپار منڈل، تمام برادریاں غا مذہبی رہنما، سول سوسائٹی تنظیمان، سابقہ فوجیاں غی ایسو سی ایشن، با ر ایسو سی ایشن، سماجی کارکن تے کھیڈاریاں ور مشتمل تھو۔ وزیر اعلیٰ نے وفود نانہہ یقین دوايو جے اُن غی طرفوں چائی گئی جائز مانگاں غو جلد نمیڑو کیو جا ئے گو۔ تے نال ہی بکھ بکھ محکماں نانہہ ہدایت کی جے وے لوکاں غی جائز مانگاں غو موثر نمیڑو کریں۔ اپنا دورہ غے دوران وزیر اعلیٰ نے بکھ بکھ محکماں غا گُجھ مکمل ہوا منصوباں غو ورچول طور ر افتتاح کیو۔ جن مانہہ پی ڈبلیو ڈی، اسکولی تعلیم، مال چوکھر تے جل جیون مشن وغیرہ شامل تھو۔

NIA Search

قومی تحقیقاتی ایجنسی این آئی اے نے دہشت گرداں غی دراندازی غا معاملان تے حفاظتی دستاں تے عام شہریاں ور حملاں غا سلسلہ مانہہ جموں کشمیر غا 5 ضلعان مانہہ چھاپہ ماری کی ہے۔ یاہ تلاشی کا روائی ضلع ریا سی، اڈھم پور، ڈوڈہ، رام بن، کشتواڑ مانہہ 8 مقامات ور گزشتہ روز کی گئی ہے۔ این آئی اے غے مطابق تلاشی کا روائیاں مانہہ بکھ بکھ سامان قبضہ مانہہ لیو گیو ہے۔ جہیڑو ممنوعہ دہشت گرد تنظیمان تے زمینی سطح ور دہشت گرداں واسطے کم کرن آلاں تے دوگلا دہشت گرداں نال رابطہ با رے دسیں۔

Menstrual Hygiene Reasi

نوجوان بچیاں نانہہ باختیار بنا تے اُن غا صحت مند مستقبل غی اپنی کوششاں غا اک حصہ غا طور ریا سی ضلع غا بلاک کٹڑہ غا سرکاری مڈل اسکول شیر پور مانہہ بیٹی بچاؤ بیٹی پڑھاؤ غے تحت سماجی بہبود محکمہ غی طرفوں اہم رسائی پروگرام غو انعقاد کیو گیو۔ پروگرام غے دوران ضلع سماجی بہبود افسر سچن شرما نے 41 اسکولی بیگ تے 15 حفظان کٹ مذکورہ اسکول تے پرنمری اسکول گئی غی نابالغ بچیاں مانہہ تقسیم کیا۔ اس تقریب مانہہ 100 غے قریب طالب علمان نے حصو لیو ہے۔ تقریب غے دوران ضلع افسر نے ماہواری غی حفظان غا انتظام، جنسی مساوات، خواتین غی باختیاری، تے بچیاں غی تعلیم ور زور دتو۔

DM Doda

ڈپٹی کمشنر ڈوڈہ ہر ویندر سنگھ نے کل ڈی سی دفتر غا منی میٹنگ ہال مانہہ ضلع مانہہ اہم بنیادی ڈھانچاں بارے منصوبوں غا سکیورٹی آڈیٹ کرن واسطے اک جامع میٹنگ غی صدارت کی۔ اس دوران اہم قائم کی گئی حفاظت تے سالمیت نانہہ یقینی بنان واسطے جا ری اور آن آلا بنیادی ڈھانچہ گا منصوبوں غو مکمل سکیورٹی آڈیٹ کرن ور غور و خوض کیو گیو۔ میٹنگ غے دوران کئی اہم فیصلہ لیا گیا جن مانہہ سی سی ٹی وی کنٹرول روم غو قیام اور متعلقہ ویڈیو ڈاٹا، گیٹ وے غی تعیناتی تے اس سلسلہ مانہہ خصوصی دستو شامل ہے۔

Basmati Fest

گذشتہ روز سکاسٹ جموں غا کیمپس مانہہ جموں کشمیر تجارتی فروغ تنظیم نے ذراعت سائنس تے تکنیک بارے شیر کشمیر یونیورسٹی غا اشتراک نال باسمتی تقریب 2024 غو انعقاد کیو۔ اس تقریب غو مقصد جموں غی عالمی سطح ور مشہور باسمتی چاولاں غی الگ تھلگ معیار ور لو کہلو تھو تے نال ہی اس گل ور غور و خوض کرنو تھو جے اس کاشتکاری عمل تے بازار کاری نانہہ کس طرح بابدو دتو جاسکے۔ صنعت و تجارت بارے کمشنر سیکریٹری وکرم جیت سنگھ نے اس تقریب غا افتتاحی خطاب مانہہ باسمتی غی نامیاتی سند ور زور پایو۔ تاکہ باسمتی چاولاں نانہہ عالمی سطح ور مقابلہ مانہہ آئیو جا سکے۔

Panchayti Raj

جموں کشمیر پنچایتی راج ڈائریکٹر شام لال نے گذشتہ روز آر ایس پورہ غا معائنہ خاطر دورہ لا غے ات چل رہیا تعمیراتی کماں تے ترقیاتی منصوبوں غو وسیع طور جائزو لیو۔ اس دوران انہاں نے بلاک ترقیات کو نسل عمارت تے دیہی توسیع تربیت مرکز غو معائنہ کیو۔ انہاں نے اس دوران پنچایت رنگ پور سدرے غو وی دور و لایو۔ جت ان نے پنچایت گھر غا تعمیری کم غو نیڑے تیں معائنہ کیو۔
